



SIARAN MEDIA

KEMENTERIAN PERALIHAN TENAGA DAN TRANSFORMASI AIR (PETRA)

KERAJAAN PERSEKUTUAN PERUNTUK RM850 RIBU BAGI PELAKSANAAN PROGRAM DENAI SUNGAI KEBANGSAAN DI NEGERI PAHANG

Kuala Lumpur, 16 November 2025 - Kerajaan Persekutuan memperuntukkan RM850,000.00 bagi pelaksanaan Program Denai Sungai Kebangsaan (DSK) di negeri Pahang. Ini mencerminkan komitmen kerajaan menerusi Kementerian Peralihan Tenaga dan Transformasi Air (PETRA) bersama Kerajaan Negeri Pahang dalam memperkukuh usaha pemeliharaan dan pemuliharaan sungai sejajar dengan teras kemampanan dan kesejahteraan Malaysia MADANI.

Yang Berhormat Tuan Haji Akmal Nasrullah bin Mohd Nasir, Timbalan Menteri Peralihan Tenaga dan Transformasi Air hari ini telah menyempurnakan Majlis Perasmian Denai Sungai Lipis, Batu Malim, Raub, Pahang, Program DSK anjuran Jabatan Pengairan dan Saliran (JPS) Malaysia.

Pelaksanaan denai tersebut telah bermula pada 16 April 2025 dan siap sepenuhnya pada 11 Jun 2025, melibatkan kerja menaik taraf denai sepanjang 450 meter. Denai ini menyasarkan untuk menarik kehadiran sehingga 2,000 pengunjung sebulan bagi memelihara, memulihara dan memanfaatkan sumber alam secara lestari.

Turut berlangsung semasa majlis perasmian DSK ini adalah sesi penyerahan Projek Rancangan Pemulihan Koridor Sungai Triang dan Sungai Semerting, Mukim Pelangai, Daerah Bentong, Pahang Darul Makmur yang telah siap dilaksanakan JPS kepada Kerajaan Negeri Pahang. Pengiktirafan Anugerah Khas Sumber Air (AKSA) telah disampaikan kepada Jawatankuasa Pembangunan dan Keselamatan

Kampung (JPKK) Kampung Batu Malim atas usaha komuniti memelihara kemampaan sumber air dan sungai setempat.

Selaras dengan aspirasi Malaysia MADANI untuk membina sebuah negara yang sejahtera, inklusif dan berteraskan nilai ihsan terhadap alam, program DSK ini menyasarkan objektif mewujudkan *sense of belonging*, meningkatkan kesedaran dan tanggungjawab bersama di kalangan masyarakat untuk menjaga kelestarian dan keindahan sungai sekali gus mengurangkan kejadian pencemaran sungai selain menggalakkan aktiviti komuniti serta merangsang ekonomi seperti eko-pelancongan sungai.

KEMENTERIAN PERALIHAN TENAGA DAN TRANSFORMASI AIR

16 NOVEMBER 2025

Unit Komunikasi Korporat | Kementerian Peralihan Tenaga dan Transformasi Air (PETRA)
Tel.: 03-8000 8000 | E-Mel: ukk@petra.gov.my

